

Efesus 5:22-24 Wei, vatupu nggahi rahimu, vune zi Ruma. 23 Vara rahi edezu mana'ekai zi weina, sama vune Al Masih rau mandazi mana'ekai zi ela-Na ro ndai Sia rau Sangaji Mambei salama ru'u ela-Na ma ndazi sarumbu-Na. 24 Sama vune ela rau-Na mavatu nggahi Al Masih, ndede rauku ade samenana lampa rawi wei pavuapu datu nggahi rahi.

Efesus 5:31,33 Ade Alkitab ratunti, "Vara ndedenou mone zimatu'u wi'i ina ra amana zi savuakaina lavo weina, ro zuana ede zimandazi savua." 33 Pala ayat ede wara ndapo angi rauna lavo nggomizoho: Pavuaku sanikina rahi meci ra ca'u weina vune sia meci ra ca'una weki ndaina, ro pavuaku sanikina wei usaha ru'u lia ra horomakaina rahina.

1 Korintus 7:3-5 Rahi pavuaku kalampana zi pavua karawi kai rahi kaina zi ru'u weina, ro wei pavuaku kalampana zi pavua karawi kai wei kaina zi ru'u rahina; cua-cua kalampana zi pavua karawi zi ru'u makalaina. 4 Wei wati ntauna kuasa zi sarumbu ndaina; ma ntau kuasa zi sarumbuna edezu rahina. Ndede rau rahi wati ntauna kuasa zi sarumbu ndaina; ma ntau kuasa zi sarumbuna edezu weina. 5 Aina kazo'omu weki savua lavo savua dou sacara rahi ra wei. Loa ru'u samporo wakatu, sura wekina zuana ede wa'ura sama-sama satuju. Ade ndedekaina cua-cua loa do'a kai wati wara mahako. Pala sawa'u va ede, pavuapu nggomizoho mbali cua zeni kai cara rahi ra wei. Nggara watisi ndedenou, pea nggomizoho loa datu siwi va roh seta, vara nggomizoho wati wa'umu taha nawasu.

1 Korintus 7:34 ndazikaina fiki ra kananuna wa'ura ncengga-ncengga. Savua dou siwe ma wati ntau rahi, atao savua dou siwe sampela, zimamboto fikira kananu zilampa rawi mavoha Ruma, vara sia nane'eku sarumbu ra nawana ndazi ntau Ruma Hatalla. Pala savua dou siwe ma wa'ura ntau rahi, nakasavuaku fiki ra kananu zi lampa rawi dunia ake, vara sia nane'e kasana wea ade rahina.

Kolose 3:18 Cina ra angi ma ndazi wei! To'apu zi rahimu, vara ndedeku sapodakaina ruku ra rawimu kai ela Al Masih.

1 Timotius 2:11-15 Dou siwe pavuaku tana'ona kai kamidi weki ro to'a. 12 Nahu wati kancihiku dou siwe matei atao maparenta dou mone; siazoho pavuaku midina. 13 Vara ma saramba-ramba rakandazi edezu la Adam ro sawa'u va ede ampo la Hawa. 14 Ro laina la Adam, malaisi dou siweku ravoha va tipu, ndazina sapana parenta Ruma Hatalla. 15 Konena ndede, dou siwe zimasalama kai ngganana ana, sura sia kai ka'awana weki nge'emba imbi zi Al Masih ro ngge'emba meci ra ca'una dou makalai ro mori zi ru'u va Ruma Hatalla mpoampa.

Saramba 3:16 - 1 Petrus 3:1-6 Ndede rau nggomizoho, wei-wei, pavuapu

okomu zi rahimu loakuzu nggara warasi zi woha siazoho ma wati imbi zi haba razi Ruma Hatalla, ruku ra rawimu naloaku kandazi siazoho ndazi imbi. Ro wati paraluna nggomizoho nggahi au-au zi siazoho, 2 vara siazoho na'edaku ruku ra rawimu ma raso ro saleh. 3 Aina ntikamu ntika ta ari mpoana, vune misakai kantika honggo atao kanimu sinci ro jima, atao kakanimu kani ra lombo ma nggali/nggali co'i. 4 Pala, pavuapu ntikamu rawontuna ta'ade mpidamu, ruku ra rawimu mapu ra ntika; edeku ntika ma'ederahizi ma ipi ntau co'i kai ntanda va Ruma Hatalla. 5 Kai cara akeku aipu jamana ma'ulu dou-dou siwe mantau agama ma wi'i weki zi Ruma Hatalla makantika weki kai to'ana zi rahi siazoho. 6 La Sara ndede rau, sia nato'a zi la Ibrahim ro ouna sia rumana. Nggomizoho ake edezu ana-ana la Sara, nggara karawisi va nggomizoho lampa rawi-lampa rawi ma taho ro wati dahumu zi au-au rau.

Titus 2:1-5 Timotius, anaku! Pavuapu nggomi ndazi tenggo va rahama rambei ziru'u ndaita, vara ndaita savua lavo Isa Al Masih. 2 Ngoa ra tei ma ulu wa'ura ringamu razi nahu zi tando dou mamboto, pavuapu nggomi imbikaipu zi dou-dou ma loa zi imbikai ro ma loa tei dou makalai. 3 Nggomi pavuapu vatu susa ra ncoki kai tentara Ruma Isa Al Masih ma to'a. 4 Savua dou tentara ma wunga kalampa taki ra puta, wati zimakangu'e-nnga'e wekina kai urusa-urusa ndaina, vara sia nane'e kasana wea ade mana'ekaina. 5 Savua dou ma taki ola raga wati zimandazi juara zi ade tajikai, nggara sia watisi to'akaina atora-atora.

1 Korintus 11:5-7,10 Ro nggara savua dou siwe wakatu do'ana atao wakatu karonggana haba razi Ruma Hatalla zi tando dou mamboto, wati tozuna tuta, ndazi dou siwe ede nakavawa ra katunaku rahina ma ndazi mana'ekai zi wekina. Ede samampa vune-vuneta tuta dou siwe ede wa'ura voru. 6 Vara nggara dou siwe wati ne'ena tozu tutana nancewi tahopu dompo honggona. Pala nggara dou siwe zivoru tutana atao radompo honggona, ndazi ede katuna ra kavawa zi ru'u va sia. Vara ndedeni ncewi tahopu sia tozuna tuta. 7 Dou mone wati paraluna kani tozu tuta, vara sia nakatadaku wa'a wekina ro na'e ra ntoruna Ruma Hatalla. Pala dou siwe nakatadaku na'e ra ntoru dou mone. 10 Vara ndedeni, zi kasanakai ade samenana mala'eka, dou siwe pavuaku kanina tozu tuta zi ru'u tanda va one sia awa mai va kuasa rahina.

**Ibara 12:4; 14:1; 19:13; 21:9,19; 25:24; & 27:15,16 - contentious & angry wei
Ibara 31:10-31 - The Virtuous Wei**